

BOSNA I HERCEGOVINA
BRČKO DISTRIKT BiH
TUŽILAŠTVO/TUŽITELJSTVO
BRČKO DISTRIKTA BiH
Broj : A – 419 /2023
Brčko, 25. juli 2023 godine

PRAVOSUDNOJ KOMISIJI
BRČKO DISTRIKTA BiH

U skladu sa obavezama propisanim članom 14. stav 1. tačka r) Zakona o pravosudnoj komisiji Brčko distrikta BiH, podnosim na uvid i razmatranje

IZVJEŠTAJ O RADU

Tužilaštva Brčko distrikta BiH
za period 01.01. – 30.06.2023.godine

1. – UVOD

Tužilaštvo Brčko distrikta BiH (u daljem tekstu Tužilaštvo), kao institucija Pravosuđa Brčko distrikta BiH je nadležno za otkrivanje i gonjenje počinitelja krivičnih djela.

Da bi odgovorilo navedenoj zakonskoj obavezi Tužilaštvo bi, saglasno aktima o sistematizaciji i odobrenim budžetskim sredstvima, trebalo upošljavati ukupno 25 uposlenika (8 nosilaca tužilačke funkcije, 1 sekretar Tužilaštva, 5 stručnih saradnika, 1 pripravnik, 10 službenika i namještenika). U toku izvještajnog perioda jedna tužilačka pozicija je bila upražnjena cijeli izvještajni period, dok je jedna tužilačka pozicija bila upražnjena od 01.01.2023. do 10.04.2023 godine.

Svi uposlenici Tužilaštva saglasno Pravilniku o unutrašnjoj organizaciji su raspoređeni u 2 odjeljenja, Tužilačko odjeljenje i Administrativno odjeljenje. U okviru Tužilačkog odjeljenja saglasno istom Pravilniku predviđeni su Odsjek za ratne zločine, Odsjek za privredni, finansijski i organizovani kriminal te Odsjek za opšti kriminal.

Pokazatelji rada Tužilaštva kao cjeline su dati kroz tabele koje su priložene uz ovaj tekstualni izvještaj. Ovakav prikaz najpreglednije ilustruje kvantitet i kvalitet rada institucije.

2. – OSVRT I ZAPAŽANJA PO POJEDINIM VRSTAMA UPISA ODNOSNO PREDMETA

KT Prijave

U izvještajnom periodu Tužilaštvo je riješilo 124 prijave protiv 155 lica (prijave svih vrsta-opšti kriminal,finansijske istrage, korupcija, organizovani kriminal, privredni kriminal i ratni zločini) tako da je na kraju izvještajnog perioda ostalo neriješenih prijava u 6 predmeta protiv 9 lica.

KT istrage

Kada je riječ o krivičnim istragama koje je ovo Tužilaštvo provodilo u izvještajnom periodu, takvih istraga je bilo u 255 predmeta protiv 332 lica, riješene su istrage u 117 predmeta protiv 137 lica dok je neriješenih istraga ostalo za 138 predmeta protiv 196 lica. Efikasnost i brzina provođenja istraga su više nego dobri što ilustruje specifikacija neriješenih istraga po godinama. Najveći broj neriješenih istraga potiče iz tekuće 2023. godine (85 predmeta protiv 111 lica), značajan broj je iz 2022. godine (36 predmeta protiv 56 lica) a iz svih ranijih godina je neriješenih 17 predmeta protiv 29 lica.

Što se tiče načina okončanja istraga, za 79% lica istraga rezultira podizanjem optužnice, za 15 % osumnjičenih lica donijete su odluke o obustavljanju istrage dok za 6 % lica istraga biva riješeno na drugi način.

KT optuženja

U ovoj fazi krivičnog postupka broj predmeta u radu je bio 322 predmeta protiv 384 lica, broj riješenih predmeta 108 protiv 118 lica, a broj neriješenih predmeta na kraju izvještajnog perioda je 214 protiv 266 lica. Dinamiku rješavanja predmeta u ovoj fazi diktiraće Osnovni sud Brčko distrikta BiH i Tužilaštvo će se toj dinamici prilagoditi.

KTM predmeti

Protiv maloljetnih počinitelja krivičnih djela je ukupno u radu bilo 29 predmeta protiv 38 lica, riješeno je 16 predmeta protiv 19 maloljetnih lica a da za dalji rad ostaje 13 predmeta protiv 19 lica. Neriješeni predmeti potiču iz 2021. godine (1 predmet) iz 2022. godine (3 predmeta) i iz 2023. godine (17 predmeta).

KTA; KTAK; KTAPO; KTARZ predmeti

U izvještajnom periodu su u radu bila 333 predmeta, riješeno je 145 predmeta a ostaje neriješenih 188 predmeta. Na kraju izvještajnog perioda broj neriješenih predmeta je nezatno smanjen (za 10 predmeta) u odnosu na početni period izvještaja.

Zbog strukture ovih predmeta (razne anonimne prijave, događaji koji su od početka dvojbeni u smislu osnova sumnje da je počinjeno krivično djelo - npr. samoubistva, pravna pomoć drugim tužilaštvima, usmene prijave građana za izvršenje krivičnog djela) i sličnih razloga, veći broj ovih predmeta se okončava odlukom o

nepokretanju istrage, 103 predmeta ili 71 %, u 40 predmeta ili 28% tužilački rad rezultira prevođenjem u KT, KTM ili KTN upisnik, odnosno utvrđuje se postojanje osnova sumnje za izvršenje nekog krivičnog djela po punoljetnom ili maloljetnom izvršiocu odnosno po nepoznatom počiniocu, dok su 2 predmeta ili 1 % riješeno na drugi način.

KTN; KTNK; KTNPO; KTNRZ predmeti

U izvještajnom periodu je riješeno 149 predmeta pa je broj nezavršenih predmeta 2.209. Najveći broj predmeta je riješen donošenjem odluke o obustavljanju istrage zbog nastupanja relativne zastarjelosti gonjenja.

Ostali predmeti

Tužilaštvo je u izvještajnom periodu riješilo i 15 KTP predmeta (predmeti po pritužbi podnosioca prijave ili oštećenog na odluku postupajućeg tužioca o nesprovođenju ili obustavljanju istrage). Takođe je riješeno i 9 KTRP predmeta (predmeti ponavljanja postupka). Riješen je takođe i 1 KTR predmet te 4 KTMPOM predmeta (međunarodna pravna pomoć).

3. – PRESUĐENI PREDMETI

U izvještajnom periodu je u 104 predmeta donešena pravosnažna presuda za 109 optuženih osoba. Tužilaštvo je za 91,35 % predmeta odnosno za 91,74 % optuženih lica uspjelo izdejsstvovati osuđujuće presude. Značajno je istaći da se u 61 % predmeta odnosno 60 % lica do presude dolazi bez potpunog provođenja postupka suđenja (primjenom instituta kaznenog naloga odnosno sporazuma o priznanju krivice).

4. – ZAKLJUČAK

Zbirno sagledavajući, vidljivo je da su na početku izvještajnog perioda zatečena 574 neriješena predmeta (KT prijava, KT istraga, KT optuženja, KTM predmeti, KTA predmeti) u prilivu je primljeno u rad još 495 predmeta tako da je ukupno u radu bilo 1069 predmeta, riješeno je 510 predmeta tako da je za dalji rad ostalo neriješenih 559 predmeta. Navedene brojke pokazuju da se navedeni zaostali neriješeni predmeti, uz istu dinamiku rada mogu završiti za oko 6,6 mjeseci. Popunjavanje jedne upražnjene tužilačke pozicije u aprilu ove godine će prikazane rezultate sigurno učiniti još boljim na kraju godine.

GLAVNI TUŽILAC

Zekerija Mujkanović